

A Daniel:

❖ Resando den tempunan peligroso.

- Pa motibu di su konfiansa den Dios, Daniel a risibi intelegensia, e abilidad pa interpreta soñonan, i sabiduria (Dan. 1:8, 17, 20). Ora ku su bida i e bida di su amigunan tabata den peliger, el a bira na Dios den orashon (Dan. 2:17-23).
- Despues di un bida di orashon, ki karakteristikanan Daniel a atkerí (Dan. 6:3-5)?
- Shelu tabata atento na Daniel su orashon (Dan. 9:20-23; 10:12). Solamente dor di kibra e laso(union) aki su enemigunan lo por perhudik'é (Dan. 6:5-7).
- Enfrentá ku e menasa nobo di morto aki, Daniel a mantene su hábitonan di orashon (Dan. 6:10):
 - (1) E tabata konsistente, resando tres bia pa dia.
 - (2) Esaki tabata pronostika-bel, habriendo su bentana pa Jerusalèm.
 - (3) E tabatin kustumber-nan spesífiko ; é tabata resa na rudia.
 - (4) Esaki tabata enfoká riba gradisimen-tu i súplika.

❖ Resa den e postura apriopiado.

- Ora ku nos ta resa, nos ta papia na Dios komo sifuera nos tabata papia ku un amigu. Sinembargo, Dios no ta manera nos. E ta e Rei di e Universo.
- Pa e motibu aki, Daniel su kustumber tabata pa rudiá dilanti di djE pa resa, rekonosiendo E komo su Soberano..
- Desde ku nos resa na Dios den kualkier sirkumstansia i na kualke tempu, esaki no ta semper posibel òf nesario pa hasi asina na e manera aki.
- Serando nos wowonan ta permití nos pa konsentrá mas riba orashon, pero den algun sirkumstansianan esaki no ta posibel (kanando, manehando, etc.)
- E kos importante ta ku nos orashonnan ta wòrdu hasi ku e respèt ku Dios ta meresé.
- Den e Beibel nos ta haña ehèmpelnan di hende kende a resa na diferente manera, di akuerdo ku nan sirkumstansianan speshal.
 - (1) Josafat a resa pará dilanti di e pueblo (2 Kronikanan 20:5)
 - (2) David a sinta dilanti di Dios pa duna danki (2 Samuel 7:18)
 - (3) Salomon a resa na rudia, ku su mannan hisá na laira (1 Reinan 8:54)
 - (4) E pueblo a bùig ku nan kara te na suela pa resa (Neh. 8:6)
 - (5) David a resa prostrá riba su kama (1 Reinan 1:47)
 - (6) Nehemias a para i a resa silensiosamen-te dilanti di e rei (Neh. 2:1-4)
- Apesar di nos posishon, e Beibel ta urgi nos pa hasi orashon sin stòp, (1 Tes. 5:17), ku pèrseveransia (Kol. 4:2) i konstantemente (Rom. 12:12).

B Enok:

❖ Un bida di orashon.

- Enok a biba den tempunan difisil, ora ku e maldat di e antedeluvianonan tabata oumentando. Ku e nasementu di su yiu hòmber, su komprendementu di Dios a ekspandé, i su komunión kunE a intensifiká (Gen. 5:21-24).
- Orashon tabata un faktor importante den e relashon ei. Mas intenso i urgente su trabou a bira, mas konstante i ferviente su orashonnan tabata. Tin bia, é lo alehá na lugánan apartá pa ta mas den komunión ku Dios. Sinembargo, semper el a bolbe bèk na e pueblo pa kompartí su konosementu di Dios ku nan.
- Dios ta tende nos tantu den e drùk ku aktividat di bida diario komo den e kietut di retiro. No tin ningun lugá na Mundu kaminda ku E lo no por mira i tende nos. Nos por ekspresá orashon ku palabranan (kual ta yuda nos konsentrá), òf nos por hasi asina den silencio (kual ta yuda nos ekspresá nos pensamentunan). E kos importante ta pa nunca stòp di komuniká ku Dios den orashon.

C Moses:

❖ Papiando ku Dios.

- Skuchando Dios Su bos papiando for di Sinai, e pueblo di Israel a pidi pa E no papia ku nan direktamente atrobe, pasombra nan tabatin miedu pa muri pa motibu di Su bos (Eks. 20:18-19).
- Esaki no tabata e kaso ku Moisés, kende a papia ku Dios kara-kara (Deut. 34:10). Pa 40 año (for di e mata ku ta kima te ku su morto), Moisés i Dios tabatin diálogonan personal regular (Eks. 33:9-11).
- E Beibel ta registrá varios periodonan di kuarenta dia durante di kual Dios a duna Moisés instrukshonnan spesífiko riba konstruyendo e tabernákulo i a komuniká varios leinan na djé. Durante di e diálogonan aki, Moisés tambe a interседé pa e pueblo.
- Nos no tin e privilegio di papia ku Dios kara-kara, pero orashon ta yena e buraku ei dor di permití nos pa komuniká direktamente kunE.

❖ Orashon di interseshon.

- Orashon di interseshon ta e lokual nos ta resa na benefisio di otro hende (Santiago 5:16; Mateo 5:44; 1 Timoteo 2:1-4).
- Moisés a interседé ku Dios pa otronan na varios okashon i pa diferente rasonnan:
 - (1) Pa nan miembronan di famia.
 - (a) Pa motibu di Aaron su piká (Deut. 9:20)
 - (b) Pa motibu di e murmura-mentu di Miriam (Num. 12:10-13)
 - (2) Pa e pueblo.
 - (a) Ora ku nan tabatin set (Eks. 15:24-25)
 - (b) Ora nan tabatin hamber (Num. 11:11-13)
 - (c) Ora nan a peka (Eks. 32:30-32)
- Kiko a motivá Moisés pa resa pa otronanE mesun kos mester motivá nos: Amor pa esnan ku nos ta resa pe..